

小峴山人詩文集

小峴山人詩集卷二十七

無錫秦 瀛凌滄

同項秋子遊惠山卽送其還浙

梅花滿幽崖嘉客適然至榜舟九峯下園林澹塵思
衣葶蘿薜芳心愛巖壑媚石屏隱雪色苔徑延古意入竹
深有光穿松寒滴翠君猶滯形役我已辭物累流連日
易夕歸禽亂無次無端復言別川途起遙吹相送郭西
門孤帆白雲際

述懷四首

九峯曲曲似仙都渺渺烟波接具區如此湖山應著爾

天然風月已忘吾十年海內無前輩一老田間是贖夫
爲道近來春酒熟梅花開後好提壺

盎盎胸中萬斛春
蕙鹽風味久安貧
漫教號作木居士
只合學爲農丈人
慣愛雞豚喧里社
不妨鷺鴨惱比隣
倒拖竹杖行吟好
此是堯夫自在身

種得幽篁翠掃天
墮階鴨腳草堂前
彈琴客散雲橫鄰
采藥人歸雪滿肩
宏景世多稱宰相
鄴侯我自好神仙
綠蘿洞口漁郎問
流水桃花一塢烟

子居揮敬王化去鐵夫孫亡老大如余
黯自傷半世功名

揮手易雙丸
日月轉輪忙
未能學道希顏孔
聊可逃虛

事老莊罷酒偶然搔首坐乾坤兀兀一匡牀

春暮雜詩

適有二客至卽之縫掖儒斷斷說陸王伉伉談程朱意
見本鑿朽辨論宜殊塗冥心固滋弊墨守亦區區紛紜
等聚訟譬彼釋者徒自分南北宗派別因異趨而我祇
默默惟以道自娛

一友自陽羨招我遊善權善權舊會厯一別三四年洞
外三十里徧種桃花田洞口五色蝶翩翩大於拳至人
此中居中有蓬萊仙鬘余已衰蹇絲鬢無由予勝地荷
嘉招欲往多迴邈昨宵勞夢寐灑灑聞流泉悵望渺林

壑深闕松蘿烟

晨出西郭門九峯邊空靄扁舟弄風漪已墮秀色內沿
緣泊迴塘遂與石壁對始至入清淺徐探極幽蒼香林
塵想滅絕壑烟景會心空流水底目窮飛鳥外寄謝城
市人終日逐氛氲

少壯弄柔翰泛濫忘朝昏風雲互噴薄日月相吐吞幽
若鬼神接快若江河奔及茲歲侵迫白髮一以繁秋冬
潦水盡萬物歸胚渾消融去渣滓獨有元氣存百家與
諸子於道多未尊

君子重名義大節不可渝立身苟瓦裂經術難蔽辜詩

書遊秦火六籍成榛蕪漢儒幸輩出卓犖稱江都其間
良楛雜大半參瑕瑜王氏勢方盛張孔萌既樞楊雄著
法言美新何其愚劉歆竄周禮父子氣類殊馬融殺喬
固絳帳愧生徒蔡邕推史才竟爲王允誅所以魯仲尼
患得咄鄙夫

子厚正士流名以黨人墜牧之經世才而爲城邪累堂
堂李贄皇胡乃厄居易吁嗟玉溪生終被合狐棄遭逢
幸不幸萬古難擬議浩浩仰太空泯泯邈賢智

幽棲罕人事攤書坐匡牀沈沈虛館靜寂寂春晝長初
篔簹綴新籜餘花墮危芳微風動清響日淡湛寒光俯視

鯨魚游仰見飛禽翔青山窺我戶意與山相忘

緬昔乾隆初

朝廷衆賢聚始召楊江陰

名朱

斌

鄂爾泰

參政務佐以孫

嘉淦

若陳

世倬

漳蔡

世遠

亦舊傳祇恨我生晚

思往徒企慕壯歲官內閣東劉

統

溘朝露猶及兩文恭

前輩見風度金壇勢方盛岌立不阿附程公

景伊

早奄棄

嵇

璜

老壽獨固乞休屢陳請歸田意多忤厥後王

燕與

朱

珪

相繼並當路韓城最嚴毅進退劇容與大興好詼

諧剛正絕回互哲人一以萎零落感邱墓洗眼望山嶽

浮雲自朝墓

臺中有二子吾羨鄭

士超

與牟

昌裕

一家嶺嵩南一處東海

敵同時列諫垣霜隼凌清秋建言指得失不與時俗侔
九重每動聽忽忽歸山邱薶骨大荒野巫咸不可留
余因陳嵇亭嘗偕二子游昔並臨其喪未獲銘其幽

朝廷方求言半爲列仗儔間或襲浮詞瑣細同蚍蜉何
當起二子一洗臺諫羞

簷前蕙風度墻外鳴鵲鵲悵悵芳華歇青春去何速人
生百年內盛衰如轉燭義馭不停轡晝夜相迫促歎我
經世具懷抱託巖谷徘徊嘉樹下一雨生衆綠感物意
多負適已道自足鳴琴已罷彈連牀書可讀娟娟池上
月流光照我屋

吾子權縣令迢迢章江涘縣城踞山顛彈丸小邑耳子
頗具吏才治絲苒可理頻年僑閑散上官少知己入春
三月來家書久不至何以慰我懷日夕盼雙鯉我當命
之歸追隨守田里

寒食

寒食江南雨後天春衣未著尙裝緜杏花落徧橫塘路
苦恨東風太放顛

流光如此惜匆匆漫指垂楊繫客驄何處尋游堪買醉
嫩寒山店酒旗風

清明後一日沈春伯招同欽吉堂陸野橋高菊裳

葯房劉小春集松江城西之白蓮庵卽事二首

精藍屋繞水泔泔一路旃檀鼻觀聞仙客招來奏子羽
清尊携得沈休文花風暖散沿堤雨柳色晴迷背郭雲
明日又逢修禊候愧無繭紙換鷺羣

五茸城外草如茵三月東風颺麴塵詩酒漫推今日會
鶯花轉憶故園春踏青處處湧羣伴飲綠朝朝蕩粲人
綺語消除都已盡如來金粟懺前因

坐藍輿過赤石嶺至大浮

何似堯夫薄笨車籃輿歷徧野人家綠楊影裡青山路
看盡湖南十里花

桃花

朝來禁得幾番風一樹辛夷掃欲空
尚有詩情渾未減
桃花含笑竹籬東

留春

曲曲闌干亞字斜烏啼聲隔綠窻紗
老夫倘欲留春住
不許東風掃落花

人有自詡其詩謂似余者以詩嘲之

不勞索句費雕鏤自在雲行復水流
我是喬山白居士
也教詩被老元偷

送春曲

白髮逢春殊草草，花落東風人又老。我爲留春并咒花，
卻恐衰顏被花惱。人間萬事苦侵尋，美人不見愁余心。
尚有黃鸝啼不住，喚儂移席揀濃陰。

看許氏牡丹四首

穀雨已過四五日，纔聞許氏牡丹開。憐予老大傷春自
猶得年年看一回。

老樹槎枒只一株，園林傳是邵尙書。卻教無數花明眼

繡幄張成錦不如

牡丹一本花常開三四百
朵相傳爲邵文莊園中物

門外青山一桁斜，繞溪流水竹籬笆。老夫自笑清貧慣，
不合貪看富貴花。

徘徊良常認舊題蕙風吹度石欄西城東一角愁難覓

零落空梁有燕泥

城東舊有徐氏維圃王虛舟先生題額花時遊覽勝今久易主紅巾無

從竟矣

芍藥花下放歌

鼠姑已謝芍藥開庭前紅白粉成堆綠雲幾叢錯錦繡
素雪一片欺瓊瑰此種移自廣陵國老夫親手前年栽
忽覺爛漫花照眼不須羯鼓蔡蔡催憶昔京華此時節
清和天氣傳豐臺貴游讌集盛花事鈿車寶馬喧如雷
宣武坊南賣花擔雨後拂拂香風來携歸高下插瓶盞
美人相對傾金疊過江此物漸希少頭白我亦成衰頽

開窗偶此樂晨夕明月照我花前杯

春興

枕畔數聲黃栗留喚醒春夢思悠悠得錢沽酒花間肆
携客看山水上樓潮長滄江來石首泥鬆夜雨刷貓頭
龜堂老子樂莫樂不解佳人錦瑟愁

春夜

暢好春宵宿雨晴曲闌東畔倚南榮高燒銀燭防花睡
急引清尊喚月生撩人香氣惜無語照我形影何多情
隔牆定有神仙住天樂泠泠吹玉笙

重遊明陽觀

芒鞋踏徧白雲邨羽士修真古觀存隔鳥水通花外徑
過橋人立竹間門飛來白鶴茶烟散化去青牛竈火溫
舊與長康把手處夕陽影裏易消魂

昔嘗與顧譽泉
丈同遊於此

池上聽琴

斜景衆峯斂山色彌青蒼云誰撫孤桐坐我池上牀古
人不可見古調亦久亡游神契淵穆璨然對軒皇始聞
情已移旣罷意亦忘颯沓風雨至山鬼啼幽篁稍稍池
月上松間逗清光蕭瑟萬籟寂四顧天茫茫

停舟弄珠樓下遲徐雪廬不至

樹挂銅鉉曉日紅綠波寒剪一帆風惱他烟雨樓前過

暝色昏黃水氣中

薄暮過烟雨樓不得登

雪廬近在海雲邊
相約停帆共叩舷
我向弄珠樓下泊

如何不見孝廉船

獨登弄珠樓

雉堞嵯峨曲檻旁
層樓無恙瞰湖光
春風前度鶯花老

秋雨今番檜栢香

是日忽雨

客散華嚴經歷劫

謂李許齋

我來步

屨繞虛廊他年陳跡留泥爪
此地應名四過堂

陳景辰寄夢游泰岱圖索題余未及題而景辰沒

爲補書之

五嶽胸中興自豪
夢游曾此俯神皋
好看海日升層嶠

直挾天風作怒濤，苔蝕秦碑仙蹕香。
雲生漢時石壇高，如何地府魂先逝。
鬼唱秋墳卧野蒿。

偶題桃花扇

南朝舊事話零星，法曲鈿蟬不忍聽。
扇底桃花數行淚，秋風愁殺孔云亭。

漫興

富貴何如看夢婆，用遣山句百年身世髮婆娑。
投閒書札長安少，送老詩篇近體多。
尙擬開尊希北海，未妨說鬼學東坡。
醉吟漫讀香山傳，履道坊前有逝波。

書夢中所見

青蓮朶朶襯樓臺夾岸玲瓏洞壑開中有一溪圍曲檻
畫船多爲載花來

有道士叩門來謁自言奚姓藍田人出家崆峒東
游山見海市今自羅浮將歸華山終老持歸華
圖索題輒爲題之拜謝而去

黃河西並海東頭踏徧名山一笠秋白髮歸來尋華嶽
黃冠老去覓丹邱五更雞叫天門曙萬壑猿啼石室幽
好向青柯坪上坐星榆歷歷俯滄洲

有客談吳園次遺事

當年愛客吳興守逸老堂前駐碧油意氣能傾四公子

笑談曾領六諸侯春風紅豆花間調夜雨銀尊鬢畔秋
莫道官如殘夢短使君佳話雪溪畱

溪山第一樓

名園古栖隱而我獨登樓如此溪山好無如風雨秋白
雲千里合黃雪一庭幽極目遙相憶美人何處舟

卽事

柴門悄無人獨立斜陽際秋水到門流適有沙禽至

梁溪老漁

老漁世事百無干如此烟波有釣竿五瀉浪搖孤艇重
九峯雲壓一簑寒白蘋紅蓼誰家岸雪鷺銀鷗到處灘

昨夜涼颼渡頭急不妨高枕狎風湍

館娃宮

曾響虛廊屨吳王舊館娃僧齋亡國鬼月照廢宮花壞
井餘殘甃荒臺覆淺沙鳴夷五湖去愁殺暮栖鴉

舟里街訪戴松門二首

攜李亭西似小邨停舟一訪戴松門他年此地編遺事
我亦曾留雪爪痕

五十頭顱又過頭連床書畫尙風流百年寂寞長蘆叟
長水依然一笛秋

鳳凰山

鸞飛鳳舞舊神京，御教場西輦路橫。好上高岡緣樹轉，
便臨絕頂看湖平。蒼茫山氣眞吞海，屈曲江流總抱城。
惆悵紅羊塵劫換，春風又見兔葵生。

開化寺

佛閣隱江表，憑闌滿院秋。雲移沙嘴動，潮撼石根浮。古
徑飛黃葉，閒僧話白頭。苾芻香裏住，眞覺證三休。

夢登一山甚峻得頰聯醒足成之

直挾天風踏巨鰲，梯空鐵索走猿猱。雲根拔地千盤細，
蓮萼摩天萬仞高。瀑挂危峯霏夏雪，松懸絕壑沸寒濤。
好吟謝朓驚人句，仰視層霄一羽毛。

過蘇州有感

玉人何處最魂銷
雁齒紅闌第幾橋
生怕重過舊時路
吳娘船上雨瀟瀟

有客談洞庭之勝賦此

客自洞庭至因之說洞庭
太湖萬頃白林屋數峯青
礪壑爭奇勝烟巒破杳冥
如何百里近游跡未曾經

昔者堯峯叟曾經到兩山
鷄豚聯橋社風雨叩松關
王子今搖落胥江斷往還
揚甫嘗約遊洞庭不果毛公壇下路夢裏

獲躋攀

飛來峯

竺國飛來後於今不復飛
泉光寒佛屋嵐翠濕人衣
拂磴孤雲細穿空一綫微
野猿呼不出終日閉岩扉

天竺禮佛

八十龍鍾叟名山步石苔
老僧迎客入我佛拂雲來
簷蔔深林見旃檀古殿開
一輪湧海日飛上講經臺

臨平

撒沙廟前秋水生青山影裏過
臨平皋亭怕說前朝事
斷送興亡白雁聲

余官杭州日嘗以半山桃花開時偕謝蘇潭陸樸
堂李石農泛舟游賞今重過之慨然有作

桃花千樹映修蛾，綠酒明燈晝舫過。
惘悵前游如夢裏，廿年地下故人多。

過石湖望楞伽山

曉色明霞鮮湖口，日初上揚舲入寥廓。
夷猶劃雙槳，秋聲動船尾。風獵菰蒲響，楞伽窈窕姿。
堯峯不相讓，中有堯時人。素心誓欲往，
山人既不作。慨然念疇曩，謂楞伽山人王甫旣傷逝者懷寂寞，誰延賞扁舟。
下松陵孤飛愜，遐尙

夜宿項秋子山齋

秋氣滿戶牖，深宵耿明燭。偶因故人招，遂就西窗宿。
興闕罷盃酌，蕭然對童僕。時聞滴雨聲，無言轉幽獨。
清響

入芭蕉寒風打茅屋

次石門鎮

不見語兒亭惟聞榜人語三更欸乃聲搖過南湖去

寶帶橋

橫塘雙堠雙堠古驛長亭短亭寶帶橋邊經過莫釐一
抹遙青

過石門

程朱正派陸當湖先有石門張考夫陳乾初集等身在
考夫一編今已無

海寧陳乾初先生集有鈔本
余嘗見之考夫集不可得矣

題徐侯齋先生遺像冊後

文靖當年已死忠鼎湖有恨泣遺弓孤兒甘守夷齊節
頭白靈岩土室中

兩扇柴門傍磻開東風磻上落殘梅誰知鶴背斜陽裏
銜得中丞尺素來

謂湯文正

瀟洒彌畱一事無數行遺囑念孫雛三千里外金門客
預卜他年爲撫孤

謂潘稼門先生

介節高踪海上風簞瓢寂寞蜃園空

謂李潛夫

吾家亦有千

休館落葉蕭蕭滿郭東

謂家大音先生

訪朱涇張漁梭六花兄弟新築卽寄

東風三月烏絲蠻宛轉橋通丁字灣隔岸綠分婁縣水

捲簾青擁海門山，花當曲徑琴尊在。客到閒庭禮數剛，
難得君家好兄弟。畱連日夕竟忘還。

齋中對雪作

竹風蕭蕭雪覆簷，晶晶庭院如堆鹽。玉樓起粟銀海眩，
元陰天氣何矜嚴。飄飄灑空復墮地，冉冉入戶還穿簾。
危壓松梢鶴巢折，凍合牆角蛛絲粘。茶烟當午濕未起，
爐火中夜寒還添。童子瑟縮但煨芋，有客撫掌談黃炎。
登樓俯瞰渺城闕，一角已沒龍峯尖。

寄金華道者

陰陽劃鴻濛，剗天半石壁。下有萬古泉，上有太始雪峯。

倚天梯危崖傾日車仄夜半聞啼猿東巖吐明月巖中
一道士終年棲洞穴身披蘿荔衣頭長綠毛髮偶逢王
方平信口受丹訣願把玉芙蓉朝眞叩天闕

爲某題萬壑松風圖

我曾讀書居聽松坐聽萬壑迴松風今朝此卷落吾手
置身如在深巖中此君瀟灑絕塵俗索我題句煩郵筒
年來我已雙目暗作字欹側難爲工新詩題罷發遐想
撫掌猶喜兩耳聰東軒起視月東上涼颺颯沓生高桐

遊惠山

茅堂曉色映初暎林際還留宿雨痕薄具酒肴謀小婦

八
山
言
集
卷
二
十
一
七
忙呼舴艋挈諸孫年衰愛著名山屐秋老閒尋古寺門
舊是聽松松畔路煮茶聲沸石牀温

登惠山絕頂

振衣直踏翠芙蓉不假神仙九節筇瓊館無人蒼蘚合
珠簾有洞亂雲封粘空白浪挾飛鳥倒影碧天浮遠峯
元鶴不來丁令化夕陽愁倚兩三松

曉起

曉起下階撫庭柯庭前落葉何其多草木變衰急暮景
撫石獨坐趺盤陀山禽喜我老不死好音時作和我歌
我歌歌罷玩物化身外遑復知其他西鄰有客陟高位

白頭廢棄歸巖阿，深宵露立看星象。
夢寐猶聽風中珂，讀書不識知止義。
古來賢達誰同科，三盃對酒且斟酌。
爛醉起舞還婆娑。

寄小泗

峩峩麻姑峯，悵然思遠道。
秋風被長坂，嚴霜悴百草。
仕宦久不達，寥寥寡同調。
誓將返田廬，與我共懷抱。
未荷上官許，不獲從所好。
人生重晚節，令譽永相保。
臨風一揮手，斜陽澹瀟照。

松江有白燕菴，袁海叟遺跡也。賦此。

地近白龍潭

前代袁海叟遺墟，近碧潭松齋。無舊業，茅舍有荒菴。

曲烏健笛千秋白燕龕楊花飄泊客渠上語呢喃

薄暮過虎阜不得登

涼風吹行舟秋水澹容裔沿流過芳塘暝色動遙沚蒼
茫武邱塔孤峯白雲裏林端月初吐炊烟寒未起欲禮
生公石山亭誰徙倚渺渺指歸塗惆悵情何已

曉至惠山寺

清曉入山寺極目秋山蒼巖端日乍吐莎上露猶光微
風叢際來始覺松桂香振策過浣沼撫松指石牀佛燈
半明滅獨步金仙堂旃檀散幽界鐘磬來上方蘭橈香
深沉坐久塵慮忘山僧羨苦薜薜啜寒泉芳

龍泉巷

舊遊如夢寐忽又遇龍泉紅葉千峰外青松萬壑前香
厨亭午飯疎磬夕陽煙白髮成吾老於今五十年

夜雨

落葉聲中雨瀟瀟入暮林忽驚高館夢如共幽人吟中
夜唳鶴語遙天離雁心所思隔千里獨擁寒燈深

喜張處士衛任秀才泰過訪

陽羨張處士停舟忽過余說詩宗漢魏論學恥蟲魚日
月名山老文章蠹簡餘所嗟陳仲舉魂魄傍蘧廬

謂陳景辰

任子鈞臺後讀書多古情高會有遺矩四十尚諸生負

郭田應少談經席自橫手持忠肅集兀兀已編成

任子重編

盧忠肅集

索予序

輓富陽董相國二首

文恪聲名重 中朝湖典型卅年參密勿一旦感凋零

祭奠煩 鸞輅 戀 闕廷浙西二老盡歸旒想英

靈 先是費文肅與公同在政府人稱浙西二老

太息長沙逝 謂劉雲房相國 公真碩果餘望隆周太保秩領漢

尙書帑已殞 天府家仍少室廬賢良宜配食圖像近

丹除

擬陶

新者日以故故者不復新頽然八秩叟寂寞重泉人俯
視博博土仰見蒼蒼晏人生天地間萬古同埃塵不知
混沌開幾閱冬與春朝看草上露夕化松間菌擾擾大
夢中何事多苦辛含貞養吾素庶與元化親所以陶靖
節遠希葛天民

讀史

楚人沐猴冠軒冕徒區區轉丸如蜚螂海上逐臭夫蚍
蜉撼大樹腐鼠嚇鷓鴣么麼自云知其實乃大愚叔孫
妄見毀伯寮焉足誅裸裎與袒裼柳下吾師乎莫謂古
鏡昏猶能辨錙銖莫笑老馬駑猶能識長途浩浩宇宙

間所惜大道孤

簡笠畊觀察一首

征帆逐南北歲月舟中長知君簿領繁勞勞迨鞅掌每
思一相見跡左神徒往方今歲云晏雨雪川塗廣落日
過丹陽寒風動烏榜欲持一尊酒殷勤話疇曩所嗟衰
疾嬰出門殊惘惘寄君以長謠寥寥成孤賞

陳景辰前以書來言仿劉蛻意築一冢於善權洞
之旁盡取其生平著述剩藁埋之其友繪圖爲
文冢圖乞余爲詩余未之應也閱數月而景辰
死弔之以詩卽書圖卷

九月登高侯傷心涕泗流布衣千古重著作一生依約

我尋南嶽期君話北樓

皇甫冉有登無錫北城樓詩

九龍峰下路魂

魄或來游

罨畫溪頭水茫茫是爾家鄰前同伯道

景辰無子

門下有侯

芭

謂楊蘭谷諸子

剩蘂誰堪托遺言大可嗟

景辰遺言以續太平廣記屬唐陶山

代善權深洞口風雨葬梅花

潘榕臯買舟過訪投詩卽和來韻

欲與先生話大乘白頭難得興飛騰門前一隻瓜皮艇
來訪空山退院僧

以詩約榕臯游惠山一絕

拄杖攜來黃海客

時婺源胡黃海同至

名山到處共題詩

踏龍峰頂白鶴仙壇看奕棋

白鶴道院施道人善奕年八十有五

同潘榕臯胡黃海山中探梅遲齊梅麓明府不至

老友惠然至扶攜步巖壑愛此冬日晴寒梅已吐萼瘦

影臨方池微香襲簾幙相對如幽人天懷成澹泊此時

想銅坑層崖雪色薄舊遊勞夢寐卽景慰寂寞車騎遲

不來凌虛緬高閣

凌虛寄暢閣中閣名

惠山下與榕臯別

西湖煙月兩茫然一別於今二十年

嘉慶丁巳榕臯偕范芝巖瀾修訪余

杭州今二十年矣

且喜相看皆老健清尊同話草堂前

尊前不見范芝巖

芝巖已歿

山水因緣尙未芟握手西神峰

下路送君又掛渡頭帆

梅麓和余前詩見貽賦此答之仍用前韻

端居寡人事蕭寥戀邱壑庭前山茶花嫣然破紅萼閒

禽如窺人飛鳴傍帷幕蜩螗競喧囂鸞鳳感飄泊

謂桐城劉

孟塗愛君敦古懽每怪世道薄屢以簿書暇投詩慰索寞

何當訪能史同上花間閣

吾家能史閣文衡山題額梅花最盛族人驚於他氏

題錢十峰先生小像

遺貌依稀爲愴神殘圭斷壁見遺民衣冠圖畫柴桑老

風雨湖山汐社人茅屋三間香火絕

十峯草堂今尙存數間先生已無後

講談片席劫灰陳傳經留得淵源在好與先公證夙因
懷初頤園尙書

謫官京國住此日尙居廬一別滄浪晚頻年音問疏君
眞憂患後我亦死生餘地下故人在功名逝水如謂百菊溪

送沈閩生秀才歸吳門

虛窗延夕景寒月生前軒誦子冰雪句答我琴中言
作北樓客歲晏歸南園七十二峰閣一酌梅花魂

題畫

老樵跨犢綠楊間一笛斜陽十里山若問儂家何處住
石橋南畔第三灣

歲暮

清福難消受長年首重回

用梅麓來詩中意

得閒頻看奕因病

罷銜杯微雪侵松徑斜陽照石苔荒齋寂無侶吾老欲
妻梅

殘臘年光迫寒風入座隅家餘古琴在典到敝裘無故
吏滿天下何人念老夫空山多雨雪獨立見真吾

聞楞香弟子役河陝以詩寄之

酒罷梁園雪未消短衣聞爾上征輶年衰仕宦心偏苦
歲暮馳驅路轉遙樹裏河流橫少室雲邊山色掛中條
故鄉風物如相問已有梅花破寂寥

冬日題凝妙閣

元氣母萬物虛牝腹衆竅大化凝於一天鈞無昧兆圓
神而方智至人領其要函谷破混沌華陽闢奧窔日月
鍊精魂陰陽覬道妙靈泉金井溢活火丹鼎燒碁爛樵
人柯酒赴幔亭召中有巢父巢時聞嘯父嘯山雲晝窈
冥松雪晨照耀香飯熟桃花偃佺寮同調

山中懷舊日同游諸子

九疊屏風翠幾層登臨共仗一枝藤故人今日看俱盡
都作雲堂旦過僧

懷吳中舍妹

東吳弱妹在夫壻極清貧汝子又不遇讀書徒苦辛全
家四壁立殘歲百憂身似我懶爲長常教困米薪

小除夕詣南禪寺聽僧人誦經

閉關憺無容歲管寡塵事郊垞命籃輿一詣南禪寺深
松暗石徑殘雪隱初地冉冉苾芻香經聲出蒼翠

圓蒲禮金仙集此諸淨侶人來清淨界樹有菩提子耳
聆衆妙音心契不二旨觀空安得象忘言并外理何處
風中旛泠泠泛花水

書羅昭諫集後

紇干山頭凍死雀何不飛向生處樂累卵官家居少陽

紛紛蛾子干戈作異人天目驅風靈錦袍玉帶憑江城
已見羅平覆妖鳥從教江夏重狂生帳屯虎豹叨從侍
箋記聲名動天子登樓王粲尚依人草檄陳琳方得主
陽九生逢喪亂秋星流雲擾是神州少時書劍誰青眼
晚歲文章已白頭有唐末造何堪說海內無人誅篡逆
憐他尚父事朱溫孤負朝廷一方鐵

小峴山人詩集卷二十八

無錫秦 瀛凌滄

元夜雨

風風雨雨閉門佳，滑滑春泥滿六街。
對景每憐頭似雪，倚欄莫惜酒如淮。
京華有夢思良會，元夕無燈負好懷。
樂事準須連日醉，尋芳舊譜要差排。

新霽

十日天無一日晴，今朝霽色上窻明。
禽初弄語有歡意，梅已著花無俗情。
酒潤枯腸盃滿把，詩拈險韻句先成。
春泥鬆處抽新筍，後夜登盤好細烹。

對山精舍看梅二首

對面巖巒塔影圓，名園綠竹間前緣。梅花風裏京新若

不見愚公二百年

舊是愚公
谷遺址

天寒翠袖倚嬋娟，絕代風流夢寐仙。一覺東風春夢破

曲終江上數峰前

用前人咏
梅句

出門

積雨已三日天晴，今出門理權白雲。消看山紅杏邨路，
經沽酒店醉共老農言。此意平生足悠然，忘世喧

舟泊琴川笠耕觀察，招同陳雲伯。大令沈閩生，陳

小雲爾秀才游古破山寺四首

琴川偶停櫂相約訪招提春水看初活垂楊剪未齊霞
生滄海上山隔女牆西爲道登臨好行行信馬蹄
數騎出江城青山撲面迎門前老僧引松下暗泉生危
石參差列修廊曲折成琉璃燈影裏滿院佛香清
爲政風流劇來尋物外交烹茶分澗水置酒雜山肴潭
古通龍洞風高墮鶴巢精籃傳晉代鐵杖幾人敲
常尉留詩處歐陽最賞音鳥能諳竹徑花解破禪心少
長此咸集嘯歌難自禁多應煩沈子爲作醉翁吟

維摩寺

欲共維摩語梅花知我心地蟠巖樹古天塞海雲陰獅

象空中色鐘魚世外音塔前有白石爲間去來今

劍門

誰割樓雲青移來大劍形雙扉開絕壁一穢走滄溟鑿
破疑鬼斧削成煩巨靈但看飛鳥外積鐵插空冥

望三峰寺不得登

吾生愧衰老耳目兩俱棄尙餘山水懷佳處時一至出
郭緬春山層岬遞松吹春風襲我裾裘裝到初地心空
觀衆妙境僻淨塵累兩經祇樹林已覺勝情遂三峰抗
手迎寒鐘白雲際忽見飛鳥歸斜陽漸西墜拂衣謝山
靈回首墮蒼翠

題徐電發先生楓江漁父圖卷

三高祠前春水肥
桃花影裏釣魚磯
小漁撒網老漁醉
江上綠簑人未歸

三館歸來有釣竿
松陵夜雨鬢波寒
垂虹一曲吳楓路
誰識承明舊史官

得湘武書

如此年光似轉蓬
不堪雙鬢撒青銅
西江人遠書初到
南國春寒酒未中
骨肉情懷衰齒劇
宦遊况味客途窮
臨川汝叔還爲令
白日看雲兩地同

春日重游滄浪亭追感雲漪叔

終古滄浪水斯人不可聞
梅花過牆雪松影隔溪雲
撫境尙如昨抗懷誰與羣
因深逝者嘆十載死生分

送劉小春渡江

少小才名二陸間
飄零書劍過吳關
吹篴夢遠春江路
彈鋏悲生幸舍顏
卽鼓聲中三月社
酒旗影裡六朝山
一尊尙向鄱亭醉
定有新詩付短鬟

雪浪軒

在虎邱寺內

登浪搖空軒飛來太古雪中
有雙釣筒不辨階前石
焚香禮金仙寒光動瑤席
至人此中居鶴料三更月

吳門寒食

雁齒紅闌四百橋東風分付短長條
伍胥江上春如海
齊女門前淚似潮
沾酒煙寒爐畔火
賣錫聲送市旁簫
夜來應做還鄉夢
休遣游絲絆客橈

勸胡黃海還欵

吳江

名山拋却廢行勝

欲游鄞尉未果

春水吳江昨夜增
客裏不知

寒食過半帆煙雨暗松陵

過平望作

春帆高挂十幅蒲
扁舟東掠鶯脰湖
雙槳劃破水蘋亂
拍拍驚起煙中鳧
看腰綠徧平蕪
草夾岸菜花黃
不了湖上女兒爭
采桑養蠶天氣
清明好吳音嫋嫋
唱歌誰

我有新詩多竹枝高樓天半綠楊渚畫眉橋邊啼畫眉
孤山亭子望雨有作却憶阮芸臺在桂林

山中白鶴不可呼詩魂我欲招林逋孤山亭子如水鳧
春水夾岸冰奩鋪沖融窈窕意態殊鏡中彷彿吳宮姝
飛雨忽挾驪龍趨黑雲遮斷裏外湖南屏對面山有無
湖光黯黹天模糊電母前導雷公驅霹靂驚碎白玉壺
白浪蹴起高浮圖陰晴變幻爭須臾林表雲散騰赤烏
漱澗仍捧玻璃盃晚霞倒浸紅珊瑚登臨忽復思元榆
桂林一角蠻煙孤

西湖遇胡黃海

東南佳客胡黃海福踏名山到吳會釣竿空拂珊瑚株
天地長留詩卷在昨朝共作胥江游相逢今日又杭州
已罷歡場歌舞席重尋勝地湖山樓蘭泉王薌泉謝盡
黃土傷心怕過南屏路朋侶真似波中鷗身世何殊草
頭露爾今年已七十強短衣尙作行人裝三姑招手白
雲裏峯巔期爾驂鸞風萬事無如故鄉好茶鐺藥臼堪
娛老葛洪夫婦原一家共上仙臺摘仙草

西湖

無恙西湖綠似油玉簫金管恨都休垂楊陰裏桃花影
不隔橋南賣酒樓

半山看桃花

碧波影外爛朱霞掩映新黃一道斜二十年來劫灰盡
尙留老眼看桃花

青山窈窕枳籬東襯出胭脂十里紅莫向臯亭舊時路
落花如雨夕陽中

韜光

不到韜光菴於今十九年仍繇曲磴上幽篁弄姬娟入
耳風蕭蕭卽目泉涓涓漸覺會心遠始識選地偏碧知
海色淨白見湖光圓往哲去云邈於此留佳篇謂高忠憲我
來不成什怙悵徒言旋安得同山僧上方高處禪

龍井

舉裳詣龍泓名山忽凌緬循崖穿窳篠一一皆夙踐過
溪已窈窕入門愈幽倩孤亭臨古堦石泉出層巖日蔽
蒼巖高雪噴寒瀨淺蕭穆七百年辨才不可見登堂禮
遺影松風有餘善

重游龍井有感

舊事同泥爪重來隔歲年雲飛一片石樹瀉百重泉地
以名茶著文因古碣傳却增興廢感寂冥問方圓

先淮
海有

方圓
菴記

硤石

海色蒼茫破石煙舊游如夢偶停船杏花細雨春江店

寂寞汪倫已六年

謂小海

過陽溪二首

沿溪門巷竹籬斜何處銜泥燕子家我欲寄愁愁未了
白雲春港又楊花

一別如今廿四年青山此地小牛眠他時藕蕩橋邊路
徧種桃花作墓田

觀劇四首

冠劍丁年去白登節旄落盡卧層冰故人在賦河梁什
身沒單于恨李陵

巾幗偏教耻負薪那知夫婿不長貧後人却笑朱翁子
富貴徒誇一婦人

阿瞞也解贖娥眉淚盡琵琶幾拍辭
箇冷中郎郾塢事
失身何怪蔡文姬

傾城會合最良宵天假因緣有鵲橋
千古才人齊感激
崑崙奴解盜紅綃

感舊

相思紅豆摘成珠歎息華年白日徂
病裏逢春怨楊柳
愁來載酒憶江湖
瑣窻幾處呼鸚鵡
明月何人唱鷓鴣
薄莫瀟湘江上望
青青斑竹淚痕枯

爲楊子堅題天台游草卽送其還京口

爾騎鸞鶴浙東來虎嘯龍咆萬壑哀
攜得天台詩百首西神峰下說天台

殘年卧雪最高峯貽我仙人九節筇
便擬支藤華頂坐石梁飛瀑挂長松

太息詩人四壁空盲如張籍更途窮

謂徐雪廬

江南留得殘

生在八十龍鍾一老翁

不見江干

余並海門鮑

百年風雅喜猶存送君歸返滄

江權爲我焦山問柳村

道人

道人不識姓結茆西山巔碧眼含雙瞳白髮披兩肩上
山拾松子下山汲礪泉胸懸太極圖冥心契先天動靜
生陰陽仁智成方圓問之了不答大造忘言詮

追悼李石農

平生義分最相親一別重泉鬼伯隣三歲尙藏懷裏字
百年難望眼中人江南舊雨尊前少代北新碑隴上春

余爲作
神道碑

留得青田端木子說君常共淚沾巾

寄端木國瑚

官似鄭虔冷荒齋三四椽世人多白眼之子只青氈知
已千秋恨謂石農新詩萬首傳終當石門隱高枕聽流泉

題鄒小山先生澹香圖遺像四首

壯歲登壇日臚句入唱來 禁廷留翰墨臺閣想風裁

在臺垣時會勦
罷楚撫許容

老圃堅清節同岑感舊苔

諫仲副
憲永檣

南宮

盡英傑桃李手親栽

公以壬申主會試
所拔多海內名宿

黃髮歸田後迎 鑿惠麓前傳經門下叟頤壽畫中禪

乾隆壬午

上幸憲山

賜公畫禪頤壽匾額並
賜

國子監祭酒銜顧棟高傳經耆碩四字
觀舉經學係公
特薦重許朝 天闕仍教食俸錢香山繪九老白傅果神

仙

玉立長身峙天然海鶴姿書生傳面目

御賜詩有九
龍山下一書生

句前輩憶鬚眉沒有尙書贈家無僭石資墓田虛想像

再拜涕漣漣

杖履曾陪侍，頻叨賞鑿加。談詩參末席，對酒坐名花。

顧珍

山丈嘗招邑中諸先輩集飲慧川園之梨花下，公居首座而余亦陪。

先大父得陪侍。

我亦歸林

藪誰堪攬鬢，華城東回首處古木只栖鴉。

哭五弟

幼弟年過六十強，如何爾又厄黃楊。

靜涵士蓮兩弟先後皆沒於閩，年今

又蓮平生多少傷心事，今日重添淚數行。

挂將遺像殯官前，滿耳松風屋數椽。此日無人同命酒，

空攜一勺酌重泉。

家貧生計困鹽壘，辛苦支持仗老妻。蕭颯總惟風雨夜，

忍聽兒女萬行啼

不解參同不學禪，卻能了了去來緣。
老夫大夢何時覺，世事忙同下水船。

是王雪廬五湖漁隱圖卷

最美幽人賦，考槃具區萬頃白雲寒。
洞庭兩髻蒼茫裏，王氏之先世居洞庭如此煙波一釣竿。

煙簑雨笠頗相宜，漁弟漁兄唱竹枝。
縛個茅亭著叢話，一編笠澤繼天隨。

寄榕臯

久竚山中駕，却傳空外音。
衰年多小疾，觸興卽長吟。
悟

彼有爲法共茲無悶心菊花天氣好拄杖或登臨

期樂
舉同

游惠
山

遲程春廬書不至

離鴈已南下長安無一書間關魂夢裏天地雪霜初瓠

子河難塞

聞中州
河決

灤陽潦已除尙餘戀

主念玉塞返

鑿輿

訪梅麓於城東行館

城東傲居處古木劇蕭森舊是尙書宅猶傳愛士心

宅

任香谷先生故居齊次
風宗伯爲先生所識拔

浮雲看世事白日變秋陰鸞鶴

自高舉無勞藪澤尋

宦海茫茫裏飄然早脫身平生抱微尚中歲謝風塵去
泛滄江棹歸尋黃嶽春賢聲此邦在惛悵失斯人

北郭外趙某年五十餘棄妻子遯居石門之小茅
蓬日誦道書足不下山其子貽以錢米則受之亦
不索也贈之以詩

最愛名山深處佳棄家學道一茅齋閒招白鹿泉邊飲
長對青松屋後排煮石每抄雲子飯行勝偶著荀皮鞵
我來訪爾寒岩畔落葉秋深已滿階

卽興

兀兀匡牀憇小軒齒衰皮骨幸猶存逢人且喜談忠孝

閉戶惟應長子孫短髮顛播須脫帽踈花欲放偶開尊
秋來盼斷長安鴈何日傳書到里門

送僧一本游峨嵋

僧自天童來却向峨嵋去峨嵋山月半輪秋要訪峨嵋
最深處此去先經太華峰袈裟驢背雲蓬蓬袞斜徑仄
劍門險浮雲玉壘開蠶叢打包直注巴渝路古佛不知
何處住一葦飛渡玻璃江伏虎寺前蹲白虎勸僧西游
便休糧齋壇雨徧天花香天童雪竇且勿顧好把峨嵋
作道場

偶然作

京洛盛冠蓋逐逐道上車自我歸田園久與人事踈
偃仰茅簷下手種園中蔬常炊菰米飯一飽興有餘堆牀
數千卷中有老氏書呼兒爲我誦想見天地初神仙非
所求但願四體舒居易以俟命此心恒晏如

夢隨三泉先生惠山桂花下步月有作

滴露研朱點周易

用唐人句

第二泉邊露華白夜來金粟飛

滿身去上瑤臺摘明月

離垢菴

天風泠泠吹我衣重攜竹杖叩山扉滿階桐葉無人掃
一塢松雲有鶴飛石扇洞開仙跡在丹邱夢冷舊遊非

手顫臨池尙攤紙東隣老魅慣噬人賣弄門徒我所耻
閉戶一月不見客怕聽俗談嘗塞耳呼兒只誦韓杜詩
聞韶忘味真不啻偶然飲酒少輒醉醉入華胥夢亦喜
酒醒口渴復烹茶城上鼙鼙鼓不已桑苧翁天隨生我
將與爾同生死門前玉帶連五湖白頭垂釣長已矣